

天啓五年乙丑二月初十日己丑陰

都承旨鄭經世呈辭

注書金霽仕

左承旨鄭廣成坐

一負未差

右承旨全湜在外

假注書鄭百亨仕直

左副承旨李彥英坐直

右副承旨金蕃國坐直

事變假注書呂甫徵式暇

同副承旨李聖永在外未省拜

修正假注書柳景緝仕

上在慶德宮以停朝市停常參經筵○辰時午時日暈未時日暈

左珥白雲一道如氣起自乾方直指巽方長竟天廣尺許良久乃

滅中時日暈兩珥○夜一更南方有氣如火光○鄭廣成啓

曰明日常參經筵取票傳曰停○李彥英以義禁府言啓

曰昌陵守護軍李還金仁傑則昨已拿囚而其中李命孫則

陵上失火即時逃亡云令京畿監司跟尋捕獲事行移何如

傳曰允○右相啓辭臣欽臣浚諫臣涓臣百齡等詣昌陵奉

審則丁字閣後洞口並火起延焚兩陵階砌曲牆內外左右